

春風鷓鴣殿長養先生譚  
海舟勝 羲邦先生閱


# 萬國音觀

壬申仲夏 聽雨亭藏梓



萬國音觀序

余性嗜音好古音之於世也久矣  
每事必求其本而後為之則此音之  
於世也深矣夫為一音一韻之書



春風鸚殿長養先生譯  
海舟勝 義邦先生閱

# 萬國奇觀



壬申仲夏 聽雨亭藏梓



萬國奇觀序



今世為好大者何如也... 此等事至  
多其... 為... 此等事至  
多其... 為... 此等事至  
多其... 為... 此等事至



夢見其華也非救年於虛王淑之  
政教也也也也也也也也也也也  
是為厚也也也也也也也也也也  
慕傲焉以國之成人也為存故崇  
也自於心美能於存一品也也也

被破於日耳曼內家結部也也也  
教之謂之也於部國之謂言也也  
人所華也也也也也也也也也也  
古語也也也也也也也也也也也  
如法也也也也也也也也也也也

聞者之六德外專學的時國教  
為之神一誠滅邪滅辱者國一  
內之政國之政也國一  
以教之誠心學之誠心  
可也教子也心學也心學也

心之誠心也誠心也誠心也  
心之誠心也誠心也誠心也  
心之誠心也誠心也誠心也  
心之誠心也誠心也誠心也  
心之誠心也誠心也誠心也  
心之誠心也誠心也誠心也

一言原淵。言者。錄三英。於事。始  
或。之。為。錯。或。之。為。師。始。于。師。始。于。師。  
法。新。平。所。身。平。類。

明倫彙編

山舟子集



### 萬國奇觀序

余弱冠時。聞英人破漢土。謂以  
寡破衆。兵之強也。陵遠出師。國  
之富也。致此富強。必有所以然  
之政。於是發憤讀洋書。遂得知

其政刑事情。蓋歐洲之俗。當秦漢之時。文明未如漢土。爾後爭亂相繼。英雄輩出。天父地理。兵法刑律。凡百學藝。皆無不探其源而窮其委。漢土所謂文武之

政。現今悉行于歐洲。而規模宏遠。君民一體之美。遙過于三代也。於是擊几歎曰。歐洲富強。由有此爾。去歲病間。讀萬國史。摘譯近世著明事蹟。以為五集。庶

幾東方之人。觀各國之情實。政  
事之得失。富強之所由來。而收  
其所長。以伐奸強。闢閭之謀云  
爾。慶應丙寅季夏。春風洋史長  
養識于聽雨亭。

萬國奇觀例言

一余嘗讀荷文萬國史。而今譯其英文者。彼此所載  
互有詳略。因其略于此而詳于彼者。取以補之。  
一人地名目加旁柱之例。地名用双柱。人名用單柱。  
是其常也。今俱用單柱。從簡省耳。觀者宜識別焉。  
一英父萬國史。刊行于西曆千八百五十五年。我安  
政二年。故記俄土戰事者。尼哥勞薨後。殊病簡缺。因直  
取慕氏英國志文補之。以便觀者。

春風氏識

萬國奇觀目錄

第一集 俄國中興記

第二集 米里幹記

第三集 法國顛覆記

拿氏蹂躪記

拿氏稱帝記

拿氏敗績記

第四集 路易拿破侖記

第五集 俄土戰爭記



目錄終

萬國叢書 觀第一集

俄國中興記

鵜殿長養著

萬國叢書

萬國叢書

俄羅斯古稱薩爾馬西。當推古天皇之時。散在西北。屬於匈奴。清和天皇之時。有祿利哥者。招族類。集部落。以傳數世。後內訌迭興。亂離相繼。元太祖鐵木真乘此釁也。西伐滅俄。於是俄屬蒙古。當室町氏時。俄族併部落。不納貢。帖木兒率兵自亞蘊入莫斯科。再服俄部。及元亡。蒙古勢衰。當此時。俄族有以漢者。天資英邁。威震四隣。乃絕蒙古。而獨立。大拓土壤。到東

北海。然性慘刻。屢害事。每因其妃蘇比之彌維得保  
全焉。蘇比希臘帝公士但丁姪女也。以萬以為其婿  
之故。取希臘帝號。自稱俄帝。蓋後世俄之強大。實因  
以萬之關基于此也。到以萬四世之時。始定兵制。名  
弓箭兵士。日練壯丁。遂取止百里地方。瑞典見俄勢  
日強。起兵擊俄。俄割地請和。後有亞力斯者。踐帝位。  
賢明勤政。聲威顯赫。嘗慕歐洲之父明。遣宰相于法  
蘭西及西班牙。觀其制度。此時英國有阿力弗格朗  
空者。攝行其政。權威頗盛。聞俄主之聲威。欲遣使窺  
探其情。俄帝拒而不納。亞力斯死。長子嗣位。尋死。有

二弟。曰以萬。曰彼得。國人將選此二人令嗣位。有長  
女。亦曰蘇比。性淫蕩。俄人嘗禁錮焉。至是窺國無主。  
自出執政權。舉強大侯伯以為已援。謂以萬懦弱不  
足憂。獨彼得年雖尚少。智勇有餘。可懼也。則進佚樂  
淫蕩之事。以殺其心智。彼得每悟而避之。備嘗艱難。  
多歷年所。遂復幽閉蘇比。自踐位為政。當此時。俄國  
擾攘數年。政刑紊亂。民願令主之起而靖國難。猶大  
早之望雲霓。及彼得為政。衆情翕然向之。而彼得英  
邁卓識。志在大改國政。易風俗。廣貿易。盛航海。富國  
強兵。以抗歐洲列邦。日夜焦思。經畫甚勤。會噠國公

使來聘。彼得接使者。其傍有人。形秀而神爽。彼得問其為何人。噠使曰。賤僕名曰列福<sub>レホ</sub>。彼得聞而不能禁。思得之以共謀國事。遂請列福留俄。列福曰。噠使遇吾厚。且管彼事務。不可辭去。彼得遂直請噠使。噠使察其志切而聽之。彼得欣喜無窮。待列福以師友之禮。軍國之事。無不諮詢。嗚呼。方彼得圖中興之時。而有若列福自外而來。為之輔翼。是則洵為俄國之福云。彼得問曰。兵制如何。列福曰。俄制善。然而軍裝軍律。所未得宜。彼得曰。南方之制。可得觀乎。列福曰。諾。經二日。躬服軍裝。使兵器。彼得頗感悟。乃造一隊教

我。

之。以教法嚴肅。忽為精兵。彼得大喜。令高貴子弟學之。躬雜隊伍。播戰鼓。教練督責。皆適其宜。頗得精兵。於是彼得欲出軍與隣國戰。然而尚乏將領。則思求之他國。列福曰。殿下姑措之。何則。兵制雖整。度支未給。以此用兵。收之道也。今俄國關稅頗重。商賈憚之。重賂吏。以免。故密買多而關稅寡。胥吏貪而國受弊。不如緩稅而嚴法之。為勝也。彼得乃減百分取十之稅。百分取五。自是關稅入國頗多。彼得性強悍。用刑尚嚴。誅殺有罪。躬或行之。其他桎梏器械。儘涉慘毒。有不忍見者。事雖近強暴。蓋俄俗傲頑。不如此。則不

能歷制之也。列福既用，諫其太酷。自是彼得不謾刑人。彼得久欲得一海港，以大講習航海之術，而未嘗得也。且造小船，浮列古湖以試之。然湖上操船，安滿其欲，遂起非常志，將往荷蘭學造船航海。始彼得鑿漕河，教官曰：山河天之所隨，宜而設也。而今以人力鑿之，是背天也。無乃不可乎？彼得不聽。教官患之，及布告往荷蘭，教官俄人頗不悅，議論囂然。而蘇比之黨欲乘釁為亂，彼得悟而平之。於是選高貴子弟及凡民峻爽強敏者，相共啓行。時我元祿十年，彼得實二十七歲也。彼得以列福擬公使，躬與衆人共為從

者。行荷行李，宿執賤役，未嘗失主從之禮。故竟無怪異者。到荷蘭入造船廠，常與他工共業。一日造船長視彼得休憩，乍呼曰：彼得羅曼諾夫起來舉此材。彼得曰：唯。忽起支肩于材下，發呀聲。又一日彼得買皮履來，示衆曰：拋一月賃銀以得之。其能執賤役為賤態，蓋如此。既學造船，遂到于英英王威廉ウイリアム既察知其為俄主，深感其志，禮待殊厚。令縱觀政刑學藝諸局，海陸兵備。彼得觀其規模宏壯，節目談具，甚羨望焉。俄國教徒時彼得之亡也，相誘為亂。彼得聞之，促歸。途得報告曰：留守將軍高爾敦討而平之。遂還莫斯科。

哥。彼得因歐洲現成之制。改國政。易風俗。專務富國  
強兵。其規畫算謀。列福之功居多。尋列福死。彼得失  
其輔翼。悲哀難禁。乃壯麗其墓。以備不朽之記念。彼  
得既改國政。遂注眼于瑞典。先是瑞典兵力強盛。威  
歷四隣。至是瑞典王查理十一世死。子查理十二世  
齡甫十五而嗣位。非獨彼得乘弱。四隣亦皆謀吞併。  
則遂與噠王啡哩特薩散波蘭兩國王塙及都盃。三  
國連合伐瑞。蓋塙及都欲得瑞之利。不尼啡哩特欲  
報宿怨于瑞王姉塔。彼得欲得瑞之一海港。瑞王聞  
之。直與英倫荷蘭結盃。迅速起兵襲噠國。因其都城

哥伯巴牙事出不意。噠王大怖。不知所措。於是英謀  
和議。瑞乃與噠盃。先是彼得率兵圍瑞。領拿爾哈。瑞  
王出兵救之。此時俄兵八萬。瑞兵僅八千。瑞王奮擊  
破俄兵。彼得收敗兵還。曰。吾固知我兵必敗。然因敗  
得破敵之術矣。當此時薩王亦進兵圍利瓦亞。取拿  
爾哈。瑞王聞之。進兵大擊薩兵。走之。追北出曠野。薩  
兵得波兵之援。復戰。薩王駐馬于河濱。瑞王見之。奪  
津頭。再擊走之。疾馳追北。到利都尼。此時彼得及薩  
王據比耳洗都府。將大擊瑞軍。而瑞王直來歷薩王  
意在奪其波蘭王之位。先是薩王令波人強從薩之

政令。波人不悅。常懷叛心。瑞王因言。薩王曰。主若不  
 去。波王之位。而更立新王。不肯許和親矣。薩王不從。  
 整軍出于吳里。雙瑞王兵雖寡。鼓譟突戰。又大破之。  
 薩將屈列高降于瑞。此役也。瑞王落馬被疵。薩王因  
 得免。尋瑞王疵癒。勒兵追薩王。薩王流離崎嶇。僅得  
 還國。查理會議于華爾。雙遂奪波蘭。以波貴族子斯  
 大尼列斯為王。尋薩王再得俄援。欲復波蘭王位。瑞  
 王與斯大尼列斯合兵擊之。薩復大敗。瑞王及斯大  
 尼列斯追北到薩。強薩王令為恥辱之盟。且賀斯大  
 尼列斯之踐位。薩王皆從。始瑞將巴多及與瑞王不

知。出奔于俄。為俄執政。留在于薩。至是瑞王令薩王  
 縛送而殺之。刑頗慘刻。四隣相傳。以為薩王之大耻  
 也。當此時。彼得整軍律。練將卒。調器械。備芻糧。內平  
 叛亂。外拓土壤。又取荒寒島嶼。建置市集。令人安居  
 未滿五年。所遷人民。殆三十萬。四方戰爭多事。尚能  
 務本如此。瑞王既定波蘭。意頗驕。乃欲發兵襲莫斯科。  
 哥彼得得聞之。沿道民屋井竈。悉行破壞。撤諸道路。以  
 妨軍行。瑞王尚躬先士卒進。時俄部古薩建侯摩西  
 巴遺書納欵。瑞王瑞王愈進。將越烏可列到莫斯科。  
 令其將列運法巴及摩西巴分道而進。會多洶拿河

上自進入烏可列。直到多沕拿河上。則列運法巴既為俄兵所敗。摩西巴又背約不救。瑞王見之切齒。天方沅寒。兵亦乏糧。四望清野。進退殆窮。然尚決意而進。到孛流登。先是彼得自將七萬兵陣于此。瑞王望之。怒氣衝天。直進接仗。彼得躬指揮三軍。戰聲撼地。前瑞王戰雖屢勝。至是覆全軍。躬衝圍被疵。僅得脫。甫口。率敗兵三百奔土耳其。彼得始破強敵。賞將士饗三軍。大報戰鬪之勞。此役也。彼得進陣頭。擒瑞將。帽得銃丸。自以為功。彌大將軍薩王乘瑞典之敗。欲破約復波蘭王之位。彼得以兵援之。入波蘭。令薩王

再兼王于波蘭。噫國亦遺戰書于瑞王。彼得頗望瑞割膏腴之地。普魯士亦乘弊有所求。南歐列國聞之。欲全瑞。然事遂不成。先是瑞王奔于土耳其。土帝禮遇頗厚。許相援與俄戰。乃捕俄公使在土者。彼得聞之。率兵四萬向于土。毋爾若比。疾于地。明納款于彼得。彼得進到其地。既進。若斯乍見土兵二十萬。更有鞞兵數萬陣於其後。彼得始知陷術中。勒兵陣孛流都濱。敵兵乍來挑戰。血戰三日。俄兵遂敗。全軍半沒。薦糧殆盡。進退維谷。彼得后加他隣聞之。與諸將之妻。率兵來于土。奇宝珠玉。厚賂土帝。以覓和親。土帝

聽之。彼得因得免。此時俄割亞蘇弗港與于土。尋彼得將海軍攻瑞王于斯多刺春。瑞王乘小舩逃歸于瑞。曩者彼得往荷英。還國講航海。十五年于此始得奏海軍之捷。其喜可知也。瑞王屢敗不撓。益修兵謀報復。尋與噠王戰中礮死。瑞國貴族會議立查理姊烏利加為王。至是俄與瑞平定盟。然時既強弱異勢。瑞不得不從俄之求。遂割其膏腴之壤里甫尼。是太尼英理及加列里以與于俄。因建都于此。名彼得堡。始得延頸于歐洲矣。彼得少壯時娶俄國貴族女生。男名亞力斯。後此女雖有失行被去。尚定亞力斯為

嗣。及長放淫無度。則不得已而刑之。尋彼得稱帝。令子孫萬世遵用焉。彼得欲伐波斯。到加斯比安。僅掠畧而還。未幾殂。年五十三。寶享保十年也。彼得生寒僻頑愚之域。糾草昧紊亂之政。選宇內之至善。定文明之制度。屹然抗歐洲之列邦。隱然成并吞八荒之勢矣。彼得在位。加他隣稱皇后。及帝死。從遺命即位。躬統全俄之政。愈張國威。大拓土壤。子孫相承。自今為宇內強大之國也。

洋史氏曰。俄羅斯土壤之大。首枕歐羅巴。腹吞亞細亞。三分之一。足延于亞米利加北方。勒兵百萬。器械



精利。窺隙出兵。疾如脫兔。臨陣犯難。猛如忿獅。流涎  
南海之濱。注眼東海之隅。故嘗犯土耳其。則英法為  
是為唇齒之援。論蝦夷之界。則林岷為是。問日本之  
勢。然則方今宇內安危之機。可謂係俄之動靜矣。然  
而其所以至此者。豈非彼得之力耶。夫主其國者。管  
其民者也。管其民者。不可不養。且教其民。用心于此  
者。稱君主。否則一夫耳。彼得初年。全俄之民卑陋。四  
隣耻齒。而歐洲禮義日進。彬彬成風。方此之時。歐民  
之幸。而俄民之不幸。一目瞭然矣。彼得有慨于此。奮  
勵刺畫。誓欲丕變全俄。故國無俊傑。則請他洲之人。

藝無所習。則躬學于他洲。歷百難。嘗萬苦。甲兵之血  
以買禮義。遂變陋習為文明。風俗蒸蒸日上。海陸兩  
軍。亦頗整頓。不獨不受四方之侮。亦為萬邦所懼。赫  
赫偉蹟。於今有光。可謂不負人君牧民之職矣。嗟夫  
寒僻荒壤。苟能用力。其效尚如是。况居宇宙精蘊之  
區者乎。然而財用日絀。重斂病民。兵備不振。每因外  
侮。可不師彼得所為。而張國威。安萬民也乎。

萬國奇觀第一集終

萬國奇觀第二集

米里幹記

我室町氏之始。歐洲有人曰哥白尼コペルニクス。好天學。精推步。常思地形應如球。然未得確據。適觀月蝕。拍掌曰。蝕形為圓。地影之映也。於是始證地形如球矣。當室町氏之末。意大利有閣龍者コロンボ。亦精天算。素信哥白尼之說。時歐洲人東貿易于印度。而患陸地遮舟楫。閣龍謂地形既已如球。則西舩亦應達印度。西海濱往往見壞舩漂至。內有死屍。狀與歐人異。又見果實等流至。亦與歐產者異。則歐西有地無疑。遂欲航海探之。

此說誤  
三日  
偶  
此  
志  
本  
在  
不  
當  
之  
也

而苦無資。請于意大利王。不允。求于葡萄牙王。亦不許。請西班牙后。聽之。出船三隻與之。閣龍已拔錨揚帆。凌風雨。犯波浪。雖經數日。尚無遮眼者。逢晴日。唯見水天相接耳。舟師皆怒曰。汝作妄誕之言。令我輩遭此厄。宜速回船。否則殺汝。閣龍慰諭曰。願勉緩三日。舟師怒稍解。閣龍登桅以望。遙見西方烟起。瞪眼而視。則青山如髮。不覺大呼曰。得洲得洲。於是舟師歡呼。皆謝罪。此洲即亞米利加也。既上陸探形勢。土人漁獵為業。雖未勤耕種。土壤廣大。山川秀美。自是歐人相踵而來。擇腴壤。播民種。經數十年。北亞米利

加沃土。悉為英法領。兩國務教養人民。英國嘗禁西教。其徒皆避亂于亞米利加。由是教化益行。文明日上。凡百技藝。頗為精巧。明和年間。英法爭境。戰鬥相繼。英國困乏。更徵賦于亞米利加人。亞人大憂。咸上書巴里門言。百姓奉王之政令。未敢有背。若英與他國戰。吾人佐其軍旅之費。亦何不可之有。唯願停增賦之事。英人謂令亞地益賦。則英賦可輕。不聽。又設一法。凡商賈田產變易。造入印卷為憑。印卷之費入於王。無印卷。則民間契券不足據也。於是亞米利加舉部擊鐘以鳴其悲哀之音。及洛京幹為相。乃去此

法。斗尼善司度支。取玻璃茶葉及紙之稅于亞民。未  
幾。諾爾塔為宰相。去玻璃及紙。惟存茶稅。亞人甚快。  
快。惡其意之不善。英要之以兵。安永二年。波斯敦海  
口。二商船載茶葉來。宜納稅。而商人衣土人之衣。遁  
稅以入。英巴里門聞之。議塞海口。有英公司船載茶  
葉在于亞港者。亞人投其茶葉于海。英人以兵臨亞。  
盡去麻薩朱塞部人之權。此地商農習技藝。整器械  
以拒英。安永三年。亞人聚兵於費拉德。賞以為其聲  
援。四年西曆四月。與英軍戰于勤星敦。翌月。戰于本  
華希爾。亞人築壘于山。英軍來襲。殺傷相當。有亞人

諸君曰待其不  
不  
不

若爾日華盛頓者。嘗為英武職。所向克捷。時沒其功  
不祿。謝病歸。杜門不出。至是眾既叛。英推之為帥。五  
年西曆七月四日。頓會亞各部長結盟。是為亞獨立  
之日。乃馳檄于國中曰。英國待吾人。不失信愛。吾人  
何不奉其法令。然獨庇其民。虐亞人。如今日。則行將  
至於不能保性命。各部宜協力驅英官。以免苛政。亞  
民間之響應。英國乃益發兵艦。向于亞部。亞部大府  
曰紐約克華盛頓。戍之。海口之南有島。曰長島。蘇里  
幹駐之。英將先攻長島。忽取之。遂攻紐約克頓。不能  
禦。將入于內地。英將厚及格林敦躡之。頓回兵血戰。

萬國奇觀

世

英軍死者四百。亞軍二千人。亞將格連駐于列拒英軍。英軍電馳襲之。格連棄壘與頓合。時亞軍每戰必敗。器械損缺。衆皆失望。獨頓志氣不撓。意思安閑。西曆十二月廿六日。夜闇黑。風雪搏面。寒凍徹膚。頓乘此時。銜枚潛行。渡河冰斫。英營大破之。亞軍百敗。僅得一捷。如黑夜覩電。將領勵志。士卒大奮。亞人弗蘭格林才能超群。前到法蘭西乞援師。辭理正明。感動法人。法主許之。遣拉哈英都援亞。是班牙荷蘭亦許其自主。亞人聞之。志氣益振。先是英將厚為討亞大將軍。聞華盛頓在于白羅的比。捲甲襲之。破亞師。取

其市集。亞軍雖屢敗。益奮勵。亞將瓦登斯遂大破英軍。虜獲無算。歐洲列邦聞亞人志愈堅。皆望其得脫英軌而自主。英將既追華盛頓取白羅的比。令格林敦戍之。頓督敗兵襲之。格林敦不能支。向西走。乃以走為襲。徇加羅里那地方。簡勁兵八千。倍道兼行。襲亞將流登列西所守渣耳敦。渣耳敦者加羅里那部都府也。頓聞之。令林誼援之。到則格林敦既取渣耳敦。留剛它力斯守之。而回于紐約克。渣耳敦之西有費拉尼拉巴。英都為亞國戍之。雖年尚少。稱有胆畧。剛它力斯曰。黃口小兒。可脅而取。躬率輕兵擊之。拉

巴英都扞禦有法如老成。壘堅不可破。英師失望而回。天明元年。法將路幹字與亞將合兵。攻約克敦。剛陀力斯盡禦之。而日望紐約克之援兵。前是華盛頓。偽為併兵。攻紐約克之勢。守將格林敦專務防守之策。不暇救約克敦。剛陀力斯力竭。遂以七千兵降于亞。而海口之船皆降于法。於是亞勢轉盛。英國始悔其事。巴里門中亦有追咎前之失計者。於是首輔諾爾羅國中皆求息民議。令亞部得自主。是班牙荷蘭亦勸兵勸和。英不能支。天明三年西曆九月三日。盟巴里斯。其條款一曰。亞十三部得自主。一曰。英割多

巴具日納瓦于法。佛羅里達于西。於是英國失膏腴之壤。國計頗蹙。財政遠算。有威廉比的者。年二十五為首輔。大興印度通商。取贖于此。失于西而收于東。亦無所損矣。英亞既和。各撤兵。亞部欲推頓為國王。頓甚不欲之。歸田里。眾會議。堅推頓。頓乃與眾議曰。得國而傳子孫私也。牧民之任。宜推有德之者為之。遂期四年為總統。領亞多。謨為副統領。鄧摩為執政。亞力山大司度支。其諸吏勵精刺畫。經營國務。猶圖私事。凡推擇總統領及諸官吏之法。各書所推姓名。投之匭中。畢則啓視。所推最多者任之。以四年為任滿。

賢則留之。復任至八年。不準再留。退位之統領。依然庶民。允公舉公選。權不由上。會盟戰伐之事。則推總統領為主。我寬政五年。華威頓亞多謨任滿。由衆望。又期四年。再任滿。華威頓歸里。寬政十年卒。年六十七。亞多謨繼為總統領。建國之時。僅十三部。其後四隣慕風。歸版圖。現今為三十六部。嗣位統領。各能奉前模。以扶植弱小。削平奸強。仁洽于宇內。為國是云。洋史氏曰。天之生人。非欲困之。欲孳育之也。故宇宙之際。羅列萬象。包藏貨食。以資人之生活。自古億兆之民。用之不竭。取之無窮。誠造物者無盡藏也。然天


不以手教用之。不以口說取之。唯令人盡心思而悟取用之道耳。是謂格物窮理。故務之。則府庫不充無憂也。足以充之。甲兵不精無憂也。足以精之。仁政不達無憂也。足以達之。急之。則家挾孔孟之書。而俗益薄。人治孫吳之法。而兵益弱。君施堯舜之詔令。而政益亂。有急之而赴衰弱者。漢土是也。有務之而得富強者。西國是也。英法俄米皆無不然。今以米里幹論之。當室町氏之時。米人野蕃。無衣無褐。不冠不履。畝獵為食。居無常處。誠為宇內至愚之民。及歐人至。開礦墾田。紡織工作器具。皆用水火之氣。陸飛氣車。千

里期會。海舩火舩。貿易絕海。且華聖頓建國。推窮政  
理。專本公平。規模宏遠。遙超唐虞。故四隣慕德。歸于  
版圖。列邦聞風。改正虐政。十三統領。益張國威。八十  
年來。富强日加。國人親睦。禮義隆厚。三百年前貧困  
之地。今則為安富土。苟非格物窮理之功。安能至此  
乎。嗚呼。三百年前。米國陋習尚甚。漢土文物既盛。彼  
則務格物窮理之實。學術精巧。國富兵強。此則失格  
物窮理之實。學術不振。國貧兵弱。天非愛彼而惡此。  
其故在彼專取于無盡藏。而此忘求于無盡藏也。上  
天浩恩。設無盡藏。而尚困貧弱。罪在于天耶。將在于

人耶。

萬國奇觀第二集終





萬國奇觀

7

125

東泉園書				
入	2	1	1	
冊	號	架	函	屬類

022208-001-2

7-125

万国奇觀

鵜殿 長養 / 著

M5

ADA-0646

